



17 3 28

Vom Abscheid des  
Colloquij oder Besprechs zu  
Wormbs / Bericht der  
Theologen vñ Seler-  
ten / der Augspur-  
gischen Confes-  
sion zuge-  
than.



---

M. D. LVII.









329

**Vom Abscheid des**  
**Colloquii odder Besprechs zu**  
**Wormbs / Bericht der Theologen vnd Ge-**  
**lehrten / der Augspurgischen Con-**  
**fession zugethan /**  
1557.

**W**iewol es viel besser vnd zu  
wünschen were / das ein mal mehr Gots  
fürchtige vnd gelehrte Menner der vns  
fern / vnter sich auffrichtig / sittig / ohn has / neid  
vnd argelist / ohn betrug vnd Sophisterey / von  
den dingen / die man Erklaren mus vnd sol / ge-  
sprech halten möchten / Denn das man öffent-  
liche Disputationes vnd Gespräch mit den Wis-  
dersachern / die da öffentliche Abgötterey zuuer-  
thedigen vñ zu schützen pflegen / solle anstellen /  
Naben wir doch / da es im Reichsrath für gut  
angesehen ist worden / das man sich der Lehre  
halben vnterreden solte / den Fürsten hierinnen  
wollen willfaren / angesehen / dieweil wir die  
Bekandtnus vnd Erklärung vnserer Lehre / son-  
derlich bey gelehrten Leuten / zuthun schuldig  
seind. Haben derhalben die Vnterredung  
aus guter hoffnung angefangen / vnd ware vnd  
sittige Antwort geben / auff die Artickel / so vns  
fürgehalten worden seind / Naben auch nicht  
A ij vrsach



ursach gesucht/wie das fürgenommē Gespräch  
möge gehindert oder zerstört werden. Unsere  
Widersacher aber haben fein listig darnach ge-  
trachtet / wie sie möchten ein Trennung finden/  
damit sie ein ursach haben möchten/ das Collo-  
quium vnd Gespräch abzuschneiden. Dies  
weil sie denn öffentlich zuuerstehen gaben / das  
sie inn diesem Colloquio vnd vergleichung der  
Lehre/nicht wolten fortschreittē / Da wir doch  
allwegen darauff gedrungen haben / das es  
möcht vollbracht werden/Daben wir endlich  
auch vnser meining Schriftlich angezeigt/  
vnd seind darauff weggezogen. Vnd damit  
man ein öffentlich Bezeugnus hette/ vom Con-  
sens vnd Einigkeit aller deren/die aus vnsern  
Kirchen darumb hie gewesen seind / das man  
das angefangen Colloquium vollfüren solte/  
Daben wir in gemelter Schrift angezeigt/das  
wir durch Gottes gnad bestendiglich bleiben  
bey den Schriften der Propheten vnd Apo-  
steln/vnd bey den Symbolis/Vnd das wir jetzt  
nicht weichen/auch nicht weichen wollen/von  
vnser Confession vnd Bekendtnis / so zu Aug-  
spurg/Anno M.D.LXX. vberantwortet wor-  
den ist. Vnd das wir auch dieselbige Lehre/  
gemelter Confession / weder endern noch zu en-  
dern gedenccken / Vnd das wir alle Lehren / so  
dawider seindt / verwerffen vnd verdammen.  
Dis haben wir von noth wegen müssen anzei-  
gen/auff das man nicht von vns felschlich aus-  
gebe/



370  
gebe/als wolten wir newe zwietracht vnd vneiz-  
nigkeit anrichten.

Eben vmb dieser vrsachen willen/thun  
wir dis/aus guter meinung / kundt allen vnsern  
Kirchen / das wir alle / so viel vnser hie blieben  
seind / zu vollfüren die angefangene Vergleich-  
ung oder Vereinigung in der Christlichen Lere/  
von hertzen wündschen vnd begeren / das vnse-  
re Kirchen allenthalben ruhe haben/vnd eins in  
Gott sein mögen/ vnd das Gebet / das ist / die  
ware anruffung Gottes vnter vns durch einige  
Trennung oder zwietracht / nicht gehindert/vñ  
dis vnser Versammlung/die gewislich die ware  
Kirche Gottes ist (welche inn der Bekendtnis/  
Anruffung vnd Gutwilligkeit vntereinander  
verbunden sein sol) nicht zerrissen vnd zertren-  
net werde. Vnd wir bezeugen auch hiemit/  
das wir bestendiglich für recht erkennen vnd  
annemen die Schrifften der Propheten vñ Apo-  
steln / vnd die Symbola. Vnd das wir nicht  
weichen/auch nicht gedenccken zu weichen von  
vnser Confession zu Augspurg / Anno M. D.  
XXX. vbergeben / vnd das wir auch gemelter  
Confession Lere nicht endern/noch endern wöl-  
len/vnd das wir alles / so darwider ist/ verwerf-  
fen. Wir bezeugen auch / das vnter vns/die  
wir jetzt hie seind/ in der Lere vnser Confession  
kein zwiespalt sey. Diese vnser Einigkeit vñ  
Consens/begeren wir jederman kundt zu thun/  
auff das die Kirchen nicht / durch falschen vns  
A iij terricht



terricht vnd lügen/zerrüttet werden. Wir bitten aber vnsern **HEILIGEN** Ihesum Christum/ das er selbs wölle die Wunden seiner Kirchen heilen/wie er sich denn fürbildet im Samariter/ der dem / so von Mördern verwundet / zu hülffe kame. Wir bitten auch alle Menschen/ das sie die Wunden der Kirchen/nicht grösser machen wöllen/durch falsche deutung vnd vnnötige gezencck. Es sind allwegen gewesen/es sind / vnd werden auch bleiben etlicher Leut schwachheit vnd fehle/ Wenn nun dieselbigen sich weisen lassen/sol man sie nicht/ als die feind würgen/Sondern man sol ein vnterscheid zwischen Bürgern vnd Feinden/ zwischen denen/welchen zu helffen ist/ vnd zwischen halstarrigen/halten. Vnd man sol auch nicht geschwind handeln mit denen / welche/ so sie ermanet werden/nicht mutwilliglich widerstreben. Endtlich sollen wir auch für augen haben die Sprüche/darinn Gott ernstlich gebeut / das man die Kirchen nicht mit vnnotwendigem gezencck wölle zerstören / wie beim Propheten Zacharia am viij. Capitel stehet / Rede einer mit dem andern Wahrheit/vnd schaffet frieden &c. Das ist/ sehet das die Lehre vnd Anruffung rein bleibe/ vnd das Friede vnd Einigkeit erhalten werde/ damit man zum Gebet vnd warer Anruffung Gottes nicht lass werde / oder es nicht gar vnterlasse. Wir sollen der Kirchen verschonen/welchenun / da die Welt zum ende sich neiget/ vnd



321  
vnd gleich altthoret/etwas fenler/schwermütis  
ger vnd trawriger ist / vnd sollen ihr mit allerley  
guten wercken behülfflich vnd förderlich sein.  
Wir alle / so viel vnser hie seindt / sagen zu vnd  
verheissen/das wir vns darnach halten wöllen/  
vnd vnterwerffen vns dem Vrtheil der Geler-  
ten vnd Gottsfürchtigen Leut in vnsern Kir-  
chen. Zu Wormbs den j. Decembris/1557.

Philippus Melanthon.  
Johannes Brentius.  
Mattheus Aulberus.  
Johannes Marbachius D.  
Johannes Pistorius Niddanus.  
Jacobus Andree D.  
Georgius Kargius.  
Michael Diller.  
Jacobus Rungius.  
Paulus Eberus.

Zu Erffurdt truckts Georgius  
Bawman / zum bunten Lawen/  
bey S. Paul.









N<sup>o</sup> 2278

ULB Halle 3  
003 919 064



Sb.


ND 17 = 00











17328

Vom Abscheid des  
Colloquij oder Besprechs zu  
Wormbs / Bericht der  
Theologen vñ Selert  
ten / der Augspur  
gischen Confes  
sion zuge  
than.



M. D. LVII.

